



АКАФИСТ

СВЯТОМУ
Архангелу Михаилу



Тропарь, глас 4

Небѣсныхъ вои́нствъ Архистрати́же,/
мо́лимъ тя прѣсно мы, недосто́йнии,/
да тво́ими моли́твами огради́ши нас/
кро́вомъ крилъ невещѣственныхъ твоея́/
сла́вы,/
сохраня́я нас припа́дающихъ/
приле́жно и вопи́ющихъ:/
отъ бедъ изба́ви нас, //
яко́ чинонача́льникъ вѣ́шнихъ силъ.

Кондак, глас 2

Архистрати́же Бо́жий,/
служи́телю Боже́ственныхъ сла́вы,/
А́нгелов нача́льниче и челове́ков наста́вниче,/
полѣзное намъ проси́ и вели́ю ми́лость, //
яко́ безплѣтныхъ А́рхистратигъ.



Акафист святому Архангелу Михаилу

Кондак 1

Избранный Небесных Сил воеводо
и рода человеческого заступниче, сие
тебе, иже тобою от скорбных избав-
ляеми, благодарственное приносим
пение; ты же, яко предстояй Престолу
Царя Славы, от всяких нас бед
свободай, да с верою и любовию
в похвалу тебе зовем:

Радуйся, Михайле, великий Ар-
хистратиге, со всеми Небесными Си-
лами.

Икос 1

Яко ангельских огнезрачных ликом
предстоятеля, ангельскими убо
и языки подобаше восхвалити тя,



Миха́йле; но до́ндеже вразумля́емии тобо́ю навѣ́кнем безплѣ́тных глаго́лом, услы́ши, а́ще и от челове́ческих, о́баче благодарных усте́н, сицевая́:

Ра́дуйся, звездó ми́ра первообра́зная; ра́дуйся, свещé ѳисти́ны и пра́вды златоза́рная.

Ра́дуйся, луче́й свѣ́та несозда́ннаго пе́рвый во а́нгельских ликостоя́ниях прие́мниче; ра́дуйся, А́нгелов нача́льниче.

Ра́дуйся, в немже наивя́щше светле́ется сла́ва Тво́рческа́я Десни́цы; ра́дуйся, ѳмже красуются собо́ры всех существ безплѣ́тных.

Ра́дуйся, Миха́йле, вели́кий Архи́страти́же, со все́ми Небе́сными Си́лами.

Кондак 2

Прови́дяще ве́ры очесы́ вели́чие духо́вныя красото́ы и си́лу молние-



но́сныя десни́цы твоея́, Арха́нгеле
Бо́жий, мы, я́ко земни́и и плóтию
обложéнии, удивлéнием, ра́достью
и благодарéнием ко Творцу́ вся́ческих
исполня́емся, зову́ще со все́ми Небе́с-
ными Сила́ми: Аллилу́иа.

Икос 2

Ра́зум чи́ст и свобóден от стра-
тэй испроси́ нам, пречу́дный Михаи́ле,
Небе́сных чино́в нача́льниче, да возне́с-
шеся мýслию от земных к Небе́сным,
хвалéбную пёснь воспоём ти си́це:

Ра́дуйся, Бо́жия неизрече́нная
красоты́ и добрóты ближайши́й
зрителью; ра́дуйся, всеблагих советóв
Пресвяты́я Трóицы пре́искренний
тайнниче.

Ра́дуйся, превéчных судéб Трóиче-
ских вёрный исполнителю; ра́дуйся,
ему́же с любóвию удивля́ются



Небѣсная воинства.

**Рáдуйся, егóже с вѣрою прослав-
ляют земнорóднии; рáдуйся, егóже
трепéщут áдския сýлы.**

**Рáдуйся, Михай́ле, вели́кий Архи-
страти́же, со все́ми Небѣсными Сýлами.**

Кондак 3

**Сýлу необорýмья рѣвности по
слáве Бóжией в себѣ являя́, стал еси́
во главѣ́ лýков áнгельских, Михай́ле,
протýву дýшащаго злóбою прегóрдаго
Денни́цы, емýже со тѣмными клеврѣты
егó с высоты́ небѣсныя в преиспóдную
низвѣржену сýщу, воинства Небѣсная,
тобóю преслáвне водýмая, с весѣлием,
яко́ еди́ными усты́, пред Престо́лом
Бóжиим возгласи́ша: Аллилýиа.**

Икос 3

**И́мать тебѣ́, Арха́нгеле Михай́ле,
весь род христиáнский вели́ка застýп-**





ника и дѣвна во бранех с протѣвными
помощника; сего ради пречуднаго
покрова твоего сподобитися желѣюще,
в день торжества твоего взываем ти
сице:

Радуйся, ѡмже сатана, яко мѡлния,
с Небесѣ низвержесе; радуйся,
ѡмже хранимый род человѣческій
к Небесѣ восхѡдит.

Радуйся, всесветлаго мѡра Гѡрняго
предѣвное украшеніе; радуйся,
падшаго мѡра дѡльняго преславное
заступленіе.

Радуйся, николиже силами зла
побежденный; радуйся, со всеми
Ангелы Бѡжиими в ѡистине и правде
на вѣки благодѣтию Бѡжиею утверж-
денный.

Радуйся, Михайле, великій Архи-
стратиже, со всеми Небесными Силами.



Кондак 4

Бўри искушэний и бед избáви нас, А́нгелов первопрестóльниче, с любóвию и рáдостию пресвѣтлое торжествó твоѣ совершáющих; ты бо еси́ в бедáх вели́кий помóщник и в час смѣрти от злых дýхов хранитель и застýпник всех, вопию́щих твоёмý и нáшему Влады́це и Бóгу: Аллилу́иа.

Икос 4

Видяще твоѣ протíву пóлчищ сатани́нских дерзнове́ние, вси чýнове а́нгельстии с рáдостию подвиго́шася во след тебе́ на брань за и́мя и сла́ву своего́ Влады́ки, вопию́ще: кто я́ко Бог? Мы же, ве́дуще сатану́ под нога́ма твои́ма повѣржена, тебе́, я́ко победи́телю, зове́м:

Ра́дуйся, и́мже мир и тишина́ на Небеси́ водвори́шася; ра́дуйся, от



негóже дýхове злóбы дáже до áда
низложíшася.

Рáдуйся, áнгельския вóинства
и сýлы мýра невидимаго ко истре-
блѣнию зла направляяй; рáдуйся,
прю и возмущѣние стихий мýра
видимаго незрýмо укрощаяй.

Рáдуйся, подъѣмлющих брань
к духовом злóбы поднебѣсным
дýвный спобóрниче; рáдуйся, изне-
могáющих во искушѣниях и напá-
стех вѣка сегó крѣпкий помóщниче.

Рáдуйся, Михай́ле, вели́кий Архи-
страти́же, со всѣми Небѣсными Сýлами.

Кондак 5

Боготóчный истóчник превели́ких
чудѣс явился еси́ во хра́ме твоѣм, и́же
в Хóнех; не тóчию бо змýй вели́кий
и стра́шный, на мѣсте том пребывáвый,
сýлою твоѣю потребíся, но и струй



воднѣя, всякій недѹг телѣснѣй
врачѹющѣя, открѣшася, да всѣ
прославляющѣму тя Владѣще Ангелов
с вѣрою зовѹт: Аллилуѣа.

Икос 5

Слѣшасе и вѣдѹще тя яко светѣло
великое, посреде ликѣв ангельских
блистающася, пречѹднѣй Михаѣле,
к тебѣ, по Бѣзе и Пресвятѣй Матери
Бѣжией, прибегаем: озарѣ лучами свѣта
твоего всех нас, вопиющѣх ти сѣце:

Радѹйся, вождю и хранителю
в пустѣни народа богоизбран-
наго; радѹйся, высѣкий посредниче
закона, рукою Моисѣя на Синѣи
даннаго.

Радѹйся, у негоже судѣи и вождѣ
Израѣилевы сѣлу и покров обре-
тахѹ; радѹйся, чрез негоже пророцы
и первосвященницы иудѣисти дар



вѣденія от Всевѣдущаго Бѣга приимáху.

Рáдуйся, богобоязненныя законодáвцы тáйною премúдростию снабдевáяй; рáдуйся, суд и прáвду творящим блáгость на сѣрдце полага́яй.

Рáдуйся, Миха́йле, вели́кий Архи-страти́же, со всѣми Небѣсными Сíлами.

Кондак 6

Провозвѣстника тя Бѣжиих судѣб егда́ узрѣ нѣкогда Манѣе, недоумѣния и стра́ха испѣлнися, мне не жíти ктомú на землí; научѣн же от женí своея́ о блáгости явлѣния и крѣтости словѣс твои́х, в рáдости о имѣвшем родíтися, по словесí твоёмú, сыне своём Сампсѣне, благодарне возопí Бѣгу: Аллилúиа.





Икос 6

Возсиял еси пречудно славою,
Михаиле, егда во образе челове-
честе пред Иисусом Навином стал еси,
глаголя: «Иззуй сапог с ногу твоєю, аз
есмь Архистратиг Силы Господни».
Таковому явлению твоему чудящися,
с любовию вопием ти:

Радуйся, боговенчанных глав
неусыпный охранителю; радуйся,
противляющихся власти, яко Божию
повелению противящихся, скорый
низложителю.

Радуйся, усмирителю народных
треволнений; радуйся, незримый
упразднителю злочестивых обы-
чаев.

Радуйся, яко ты просвещаеши
сумнящихся в час лютых недоу-
мений; радуйся, яко ты исхищаеши



искушаемых от пагубоносных
наваждений.

Радуйся, Михайле, великий Архи-
стратиге, со всеми Небесными Силами.

Кондак 7

Хотяй Владыка всяческих пока-
зати, яко жребии сыновъ человеческих
не самослучайнии суть, но в Деснице
Его вину содержатся, даде ты царствам
земнымъ заступника и хранителя, да
племена и народы к вечному Царствию
Божью уготовляеши; сего ради вси,
ведущии о велицемъ служении твоёмъ
спасению человеческому, благодарне
зовутъ Богу: Аллилуиа.

Икос 7

Новая чудеса показá нам, Архистра-
тиге, тобою на земли всех чудесъ
Творецъ и Владыка, егда храмъ, во имя



**твоё созданный, от потопления водами
речными дивно спасл еси, струям
потока в недра земная устремитися
повелевый; еже видя блаженный
Архипп с духовными чады своими,
благодарне к тебе возопи:**

**Радуйся, святых храмов Божиих
несокрушимая оградо; радуйся,
врагом веры Христовы неборимая
преградо.**

**Радуйся, егже велению стихии
покоряются; радуйся, имже вси
злбнии замыслы сокрушаются.**

**Радуйся, верным радость от
Престола Вседержителя износящий;
радуйся, неверных на стезю правды
и истины приводящий.**

**Радуйся, Михайле, великий Архи-
стратиге, со всеми Небесными Силами.**



Кондак 8

Стра́нное ч́удо си́лы твоея́,
Архистрати́же Бо́жий, увéде на себé
Авваку́м, егда́ по ма́нию Бо́жию восхи-
ти́в, принéсл еси́ егó скоротéчне от
Иудéи в Вавилóн, да́ти пи́щу Дани́лу,
в ро́ве со льв́и заключéну; тёмже
удив́лься превели́кому дéйствию си́лы
твоея́, возопи́ с véрою: Аллилúа.

Икос 8

Весь еси́ в в́ышних, Миха́йле,
Престо́лу Царя́ Сла́вы предстоя́й, не
далéк еси́ и от ни́жних, ра́туя в́ину
со врага́ми спасéния челове́ческаго;
тёмже вси, вожделéннаго Оте́че-
ства Небéснаго достíгнути хотя́щи,
согласно́ тебé зову́т:

Ра́дуйся, нача́льниче трисвята́го
а́нгельскаго пéния; ра́дуйся, земно-
ро́дных при́сно гото́вый предста́-



телю и хранителю.

Рáдуйся, прегóрдаго фараóна с невёрными егíптяны поразíвый страннообráзно; рáдуйся, вёрныя иудéи путеводíвый в пустыни преслáвно.

Рáдуйся, íмже угасíся пламень пещí вавилóнския.

Рáдуйся, Михай́ле, вели́кий Архи-страти́же, со всёми Небéсными Сíлами.

Кондак 9

Всí иноцы Святы́я Горы́ Афóнския в рáдостный трéпет приидóша, вíдяще, како богобоя́зненна óтрока, неíстовно от нечестíвых златолюбцев во глубинú морскúю с кáмнем повёржена, спáсл есí; тёмже прия́шая егó обíтель, íменем твоím красúющися, благодарне взывáет ко Гóсподу: Аллилу́иа.



Икос 9

Ветій глаголы и любомудров
смыслы не довлеют ко изглаголанию
силы твоя, Михайле, како во едину
нощь сто осьмьдесят и пять тысяч
поразил еси от воев царя ассирийска
Сеннахирима, да накажется прочее не
хулити Имя Господне; мы же, почи-
тающе святую ревность твою о славе
Бога Истиннаго, с веселием зовем ти
сице:

Радуйся, православных воинств
непобедимый воевода; радуйся,
зловérных ратей страх и низло-
жение.

Радуйся, правыя веры и богочи-
тания насадителю; радуйся, душев-
редных ересей и расколов искорени-
телю.

Радуйся, благочестивыя Макка-
вѣи на поле брани многажды укре-



**півый; раду́йся, нечестіваго вождя́
Антио́хова Илиодо́ра в самѣм хра́ме
порази́вый.**

**Раду́йся, Миха́йле, вели́кий Архи-
страти́же, со всі́ми Небе́сными Си́лами.**

Кондак 10

**Спасти́ся хотя́щим нам бу́ди
помо́чник тверд, Архистрати́же
Бо́жий, избавля́й и храня́й нас от бед
и напа́стей, па́че же от злых на́выков
и грехо́в на́ших, да преспева́юще в ве́ре,
наде́жде и любви́ Христо́ве, с радостию
о преді́внем заступле́нии твоѣм ко
Влады́це А́нгелов и челове́ков благо-
да́рне зове́м: Аллилу́иа.**

Икос 10

**Стена́ еси́ ве́рующим челове́ком,
Архистрати́же Бо́жий, и сто́лп кре́пок во
бра́нех со врага́ми ви́димыми и неви́-**



димыми; сего ради от сетей бесовских тобою избавляеми, благодарным сердцем и усты зовем сие:

Радуйся, врагом веры и сопротивником Святыя Церкви непобедимый противоборниче; радуйся, смиренным провозвестником Евангелия неутомимый споспешниче.

Радуйся, во тьме зловерия сидящих светом веры Христовы просвещая; радуйся, лжемудрием объюродивших на стезю истины и покаяния наставляя.

Радуйся, грозный отмстителю кленущимся Именем Божиим все; радуйся молниеносный карателю глумящихся безумне о таинствах святыя веры.

Радуйся, Михайле, великий Архистратиге, со всеми Небесными Силами.



Кондак 11

Пѣние всякое хвалѣбное побеждаётся множеством чудѣс твоихъ, Архистратѣже Божий, яко совершена сѹть тобою не точию на Небесѣ и на землѣ, но и в тѣмных сѣнях преисподней, идеже глубиннаго змѣя связал еси ѹзами силы Господней, да избавляемии от злѣбы его благословятъ Владыку Небесѣ и землѣ, зовуще: Аллилуѣа.

Икос 11

Светоносный служитель истины и чистоты богопочитания явился еси, Архистратѣже, егда, провидя козни дѹха тьмы, воспретил еси ему Именем Божиим, да не дерзнѣт сокровенное тѣло почившаго вождя Израилева Моисѣа явити ко обожению чувственнымъ сыновомъ Израилевымъ; сего ради, чтуще ныне благосвѣтлый соборъ



тво́й, благодарне вопи́ем ти:

**Ра́дуйся, чистоту́ боговѣдения во дни
Вѣтхаго Завета́ среди́ иудеев сохра-
ни́вый; ра́дуйся, плѣвелы заблу-
ждѣний во дни́ Но́выя Благода́ти
мно́гажды искорени́вый.**

**Ра́дуйся, язы́ческих прорица́лищ
и куми́ров истреби́телю; ра́дуйся,
христиа́нских подви́жников и стра-
стоте́рпцев укрепите́лю.**

**Ра́дуйся, немощны́я ду́хом си́лою
блага́ти Бо́жия исполня́й;
ра́дуйся, изнемога́ющия плóтию
всеоружи́ем вѣры облека́й.**

**Ра́дуйся, Михаи́ле, вели́кий Архи-
страти́же, со все́ми Небе́сными Си́лами.**

Кондак 12

**Благода́ть от Бо́га с небесе́ испроси́
нам, пою́щим во сла́ву всечестна́го
и́мене твоего́, Михаи́ле, да, осеня́еми**



**твоім заступлєніем, во всяком благо-
чєстии и чистотє поживєм, дондеже,
отрешєннии смєртию от уз плоти,
сподобимся предстати огнезрачному
Престолу Царя Слavy и с лики Ангель-
скими возопити: Аллилуиа.**

Икос 12

**Поюще многообразная твоя чудеса,
Михаїле, во спасєние наше содеянная,
молим Господа и Владыку всяческих,
да дух ревности по славе Божией, иже
в тебе, николиже оскудеет и в нас,
зовущих ти сице:**

**Радуйся, верных рабов Божиих во
время благопотребно на высоту
власти предивне поставляяй;
радуйся, дерзких и недостойных
с высоты силы и славы незримо
низлагаяй.**

**Радуйся, в день последний
избранных от четырех концов земли**



имѣяй собрати; радуйся, ѡмже грѣшныя, яко плѣвелы, по гласу Божію огню вѣчному преданы будут.

Радуйся, ѡмже сатана со ангелы его во озеро огненное на вѣки повергнется; радуйся, ѡмже праведнии во обителех Отца Небеснаго преславне водворятса.

Радуйся, Михайле, великий Архистратиже, со всеми Небесными Силами.

Кондак 13

О пречудный Архангелов и Ангелов начальниче, за предивное служение твоё спасению рода человеческого прими от нас возносимый к тебе ныне глас хвалы и благодарения, и, яко исполнь силы Божией, покрый нас невещественными крилома твоима от всех враг видимых и невидимых, да



прославля́емому то́бою и просла́вившему́ ты Го́споду вѣ́ну зове́м: Аллилу́иа.

Этот кондак читается трижды.

Икос 1

Я́ко а́нгельских огнезра́чных лико́в предста́теля, а́нгельскими у́бо и язы́ки подоба́ше восхва́лити ты, Миха́йле; но до́ндеже вразумля́емии то́бою навѣ́икнем безплотных глаго́лом, услы́ши, а́ще и от челове́ческих, о́баче благодарных усте́н, сицевая́:

Ра́дуйся, звездó ми́ра первообра́зная; ра́дуйся, свещé истины и пра́вды златоза́рная.

Ра́дуйся, луче́й свѣта несозда́ннаго пе́рвый во а́нгельских ликостоя́ниях приѣмниче; ра́дуйся, А́нгелов нача́льниче.

Ра́дуйся, в немже наивя́ише свет-



лѣется сла́ва Тво́рческа́я Десни́цы;
ра́дуйся, ѿмже красуются собо́ры
всехъ существъ безплотныхъ.

Ра́дуйся, Михаѿле, вели́кий Архи-
страти́же, со все́ми Небе́сными Си́лами.

Кондак 1

Избра́нный Небе́сныхъ Силъ воево́до
и ро́да челове́ческаго заступни́че, си́е
тебе́, ѿже тобо́ю от ско́рбныхъ избав-
ля́еми, благода́рственное прино́сим
пѣние; ты же, я́ко предстоя́и Престо́лу
Царя́ Сла́вы, от вся́кихъ насъ бедъ
свобожда́й, да съ ве́рою и любо́вию
въ похвалу́ тебе́ зове́м:

Ра́дуйся, Михаѿле, вели́кий Архи-
страти́же, со все́ми Небе́сными Си́лами.

Молитва

Святы́й и вели́кий Арха́нгеле
Бо́жий Михаѿле, неиспове́димыя



и пресу́щественныя Трѳицы пѳрвый
во А́нгелехъ предсто́ятелю, рѳда же
человѳческаго приставниче и храни́-
телю, сокруши́вый с во́инства свои́ми
главу́ прегѳрдаго Денни́цы на Небеси́
и посрамля́й вѳну злѳбу и кова́рства
его́ на земли́! К тебѳ прибегаетъ с вѳрою
и тебѳ мо́лимся с любѳвию: бѳди щит
несокруши́м и забра́ло твѳрдо Святѳй
Цѳркви и Правосла́вному Оте́честву
на́шему, огражда́я их молниенѳсным
мечѳм твоѳм от всехъ врагъ, ви́димыхъ
и неви́димыхъ. Не оста́ви же, о Арха́н-
геле Бо́жий, по́мощию и заступле́-
ниемъ твоѳм и нас (*имена*), прослав-
ля́ющихъ днесъ святѳе ѳмя твоѳе: се бо,
аще и многогрѳшнии есмы́, обаче не
хѳщемъ в беззакѳннихъ на́шихъ погѳбнути,
но ѳже обратѳится ко Го́споду и ожив-
ле́ннымъ бѳти от Него́ на дела́ благая́.
Озари́ ѳбо ум нашъ свѳетомъ лица́ Бо́жия,
ѳже вѳну сия́етъ на молниевѳднемъ



челѣ твоѣм, да возмо́жем разумѣти, что
есть во́ля Бѳ́жия о нас, благáя и совер-
шѣнная, и вѣдети вся, я́же подобáет нам
творíти и я́же презирáти и оставля́ти.
Укрепí благодáтию Господнею сла́бую
во́лю и немощно́е произво́ление нáше,
да, утвердívшися в закѳ́не Господнем,
престáнем прѳ́чее влáяться земнѳ́ми
пѳ́мысли и похотѣнии плѳ́ти, увлека́ю-
щися по подѳ́бию несмы́сленных дете́й
скорогíбнущими красѳ́тами мíра сегѳ́,
я́ко рáди тлѣннаго и земна́го безѳ́мне
забывáти вѣчная и небѣсная. Над
все́ми же сíми испросí нам свѳ́ше дух
й́стиннаго покая́ния, нелицемѣрную
печáль по Бѳ́зе и сокрушѣние о гресѣх
нáших, да остаю́щее нам числѳ́ днѳ́й
врѣменнаго живѳ́тá нáшего иждивѣм
не во угождѣнии чѳ́вств и рабѳ́те
страстѣм нáшим, но во изглаждѣнии
зол, содѣянных нáми, слезáми вѣры
и сокрушѣния сердѣчнаго, пѳ́двигами



чистоты́ и святы́ми делáми мило-
сёрдя. Егдá же прибли́зится час
окончáния нáшего, освобождéния от
уз брénнаго сего́ телесé, не оста́ви
нас, Архáнгеле Бóжий, беззащítных
протíву дýхов злóбы поднебéсных,
обы́кших преграждáти душé челове́-
честей восхóд в Гóрняя, да охраня́еми
тобóю, безпреткновéнне достíгнем
óных преслáвных селéний рáйских,
идéже несть печáль, ни въздыхáние,
но жízнь безконéчная, и, сподóбль-
шеся узрéти пресвётлое лицé Всебла-
гáго Гóспода и Влады́ки нáшего,
пáдше со слезáми у ног Егó, в рáдости
и умилéнии восклίκнем: слáва Тебé,
дражáйший Искупítелю наш, Ёже за
премно́гую любóвь Твою́ к нам, недо-
сто́йным, благоволи́л есí послáти
А́нгелы Твоя́ в служéние спасéнию
нáшему! Амíнь.



Величание Небесным Силам бесплотным:

**Велича́ем вас, / Арха́нгели, и
А́нгели / и вся Во́инства, / Херуви́ми
и Серафи́ми, // сла́вящие Го́спода.**



Расписание чтения акафистов

ПН	2:00, 8:00, 14:00, 20:00	Михаилу Архангелу ←
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
<hr/>		
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё